

آبونه شرائطی : هریر ایچول
سنه لکی (۲۷۵) آلتی آیلنی
(۱۵۰) خارج ایچون سنه لکی
۳۲۵ غروشدور .

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع المعنویه
قبول اولنور . درج ایدله یین
یازیلر اعاده اولماز .

الکتابخانه

۱۳۳۰

اداره من تبدیلنه آریجه
۵ غروش کوندورلمیدر .

مکتوبلرک امضاری واضح
واوقوتاقلی اولسی و آبونه
صره نومروسی محتوی
بولونسی لازمدر

ممالك اجنیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندورلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

ارناوداق حکومتك پای تختی اولان تیرانده انعقاد ایدن بویوک اسلام
قونفره سنده جریان ایدن مذاکرات نتیجه سنده اتحاد اولونان مقررات
مملکتیزده دین مبین اسلامك تعالیسنه، انوار اسلامیه نك پارلامه سنه معطوف
ایدی . اساسات شرعیه به تمامیه مطابق اولان بو مقررات بوتون ارناودلقده
جاعات اسلامیه تشکیلی ، اوقاف عمومیه نك نهج شرعی اوزره تنظیم واصلاح
وتعمیرله معابد قدسیه مركز اعلاسنی ، خدمه خیراتك اقداری ووظائف شرعیه لرینی
حسن صورته ایفا ایتمه لرینی ، رسائل موقوته وسائر نشریه دین اسلامك
داخل وخارجده اعلاسنی وبوکي اساسات اسلامیه به مطابق ومسلمانلرك آمال
عالیه سنه موافق غایه لرك تحققی استهداف ایلمکده در . (الاهرام) و(المقطم)
غزته لرنده اوقودیم مقرراتدن استعاده وتبری ایدر وبوکي نشریاتك آنجق
نفاق وفساد ، مسلمانلری یکدیگرنه تنفییر ایتمه ی ، ارناوداق مسلمانلرینی
عالم اسلام نظرنده دوشورمه ی استهداف ایتمکدن بیان ایلرم . بوکي
دسیسه لره آلدانمایان و بزی بو مدهش افترازه قارشى مدافعه ایدن مصری
قرده شلرمزه عرض شکران ایدر و بوتون بو افترازى صورت قطعیه ده رد
وتکذیب ایلرز . ۲۲ شوال ۱۳۴۱

ارناوداق باش مفتیسی ومجلس عالی شرعیسی رئیس الفقیر

محمد رهبی

شئون

استانبول :

اجازت مراسمی . — مدرسه التخصصی کمال ایدن افتدیلرك اجازت
مراسمی سلطان سلیم جامع شریفنده مراسم مخصوصه ایله اجرا اولمشدر .
اجازت الان (۲۸) افتدینك (۱۷) سی فقه شعبه سندن ، (۱۰) ی تفسیردن ،
بریده کلام وفلسفه دندر . فقهدن اجازت آلانلر : عبدالله اوزون کوپری ،
علی رضا اسکدار ، کمال حمیدیه ، حسن تحسین شمنی ، قوام الدین قترین ، کامل
باطوم ، حسن پرلیه ، محمد آیدین ، سالم کشان ، مصطفی آیدوس ، شمس الدین
داغستان ، رجب تکفور طافی ، عثمان قیصری ، حسام الدین داغستان ، احمد
فوزی درساعات ، احمد داغستان افتدیلر .

تفسیردن : عارف ، علی نجم الدین البستان ، حافظ محمد استانبول ، محمد
حلمی شمنی ، جمال ، محمد اسعد ، مسعود نجاقی همشین ، حجة الاسلام اوف ،
عبدالواحد اضرورم ، محمد سالم هزار غراد افتدیلر .
کلام وفلسفه دن : یوسف افتدی سنانیک .

مرکز لرك تخلیسی . — امور شرعیه و اوقاف وكالتدن وقوع بولان
تبلیغات اوزرینه مدارس وجوامع شریفه نك تخلیه سی خصوصاتیه اشتغال ایدن
قومیسون فعالیتنی تزید ایتمشدر . تخلیه خصوصیه نك کوسترنلر ضابطه
طرفندن اخراج ایدیلکده در .

دارالشفقة الاسلامیه مهارنت . — هیئت وکیله رئیس ودارالشفقة نك
رئیس فخریسی رؤف بك افتدینك همت وتشبثی اوزرینه دارالایاملر بودجه سندن
اون بیک لیرانك دارالشفقه اعطاسی هیئت وکیله جه تقرر ایتمشدر .

بوکي بیانانك افکار عمومی اسلامیه یی تطمین ایتیه چکی آشکاردر .
بوندن طولاییدرکه مسلمانلر بلا توقف شریف حسینك حرکتی
تقیح ایدرك اسلامك استقلال وحیثیت مغویه سنه وورلماسی ایسته نیان
مدهش ضربه به مانع اولق ایچون ابراز فعالیتده دوام ایتکده در .
مرحاله افکار اسلامیه نك موفق اوله جنی آشکاردر . مصر عاماسنك
بوخصوصده غیرتی اسان شکران ایله یادایتمه دن کچمه جکزه . مع الاسف
اوج هفته دن بری بومسئله یی موضوع بحث ایتدیگمز حالده محیطمزدن
وبالخاصه علمای دینمزدن برسس چقمادی . بوندن متأثر اولماق
ممکن دکدر .

بیاننامه

ارناوداق باش مفتیسنك اسلام مطبوعاتیه بیاننامهی

بوندن برمدت مقدم اوروپانك مرا کز متعده سندن کان
بر طاقم تلغرافلر ارناودلقده ، (تیران) شهرنده عقد اجتماع ایدن
دینی بقونفره نك خلافت اسلامیه دن فك ارتباطه ، آبدست المیه یی
الغایه ، نمازده رکوع وسجودی قالدیرمه ، تعدد زوجاتی منعه ،
لستری رفقه قرار ویردیکنی بیلدیریوردی .

اسلام عالمنك هر طرفده اك مدهش سوء تأثیر اجرا ایدن
بو مقررات مصر مطبوعاتنده انتشار ایتش ومصر مسلمانلرینی
بك طیبی اولارق دلخون ایلشدی . مع مافیه ، صرده متوطن ارناوود
دیدداشلرمزدن بری ارناوودلقه وقوع بولان سیاحتدن بالاسنفاده مصر
غزته لرنده بو فجیع مقرراته دائر انتشار ایدن یازیلری ارناوودلق
باش مفتیسی ومجلس عالی شرعی رئیس محمد وهبی افتدی حضرت تلرینه
تقدیم ایله افکار عمومی اسلامیه به حقیقی بیلدیرمسنی رجا ایتش ،
مشارایله ده بو طایب اسعاف ایدرك آتیده کی بیاننامهی مصر مطبوعاتیه
کوندرمشدر . قاهرده انتشار ایتکده اولان (الاخبار) رفقه مزدن
بو بیاننامهی ترجمه ایدیورز :

« ۱۱ نisan تاریخی (الاهرام) و ۱۷ نisan تاریخی (المقطم)
غزته لرنده ارناووداق اسلام قونفره سنك مقرراتی حقتده یازیلان سطرلری
اوقودم . بواصل واساسدن عاری حوادندن ، دهاطوغروسی خرافاتدن الحق متأثر
ومتدهش اولدم . مسلمانان ایله ذره قدر ارتباطی اولان برانساندن بویله برشی صدوری
هینچ بر وقت تصور اولونماز . بومقررات ، مسلمانلر آرمسند عداوت تخلیرنی اکک ،
مسلمانلرك وحدت دینه سی تارمار ایلک ایستین ، مقاصد فسادکارانه سی هینچ
برمسلمانه مجهول اولمایان دشمنلرك تصنیع ایتدکری افترازدن باشقه برشی
دکدر . بالخاصه بوتون دنیاده صلابت دینه لری ایله معروف اولان ارناوودلردن
بویله برشی صدورینه هینچ بوجهل احتمال ویرله مز .